

放光般若波羅蜜經

才三十

六十三
芥十

47417



元祿九年丙子二月日重修

皇圖瓊閣 帝階綴呂

佛日增輝 懋輪常轉

山城州天安寺法金剛院置



Two small, faint characters or marks at the bottom center of the page.

放光般若波羅蜜經卷第三十

西晉三藏無羅叉共竺叔蘭譯

薩陁波倫品第八十八之餘

佛告須菩提。譬如有人。被重毒箭。無有餘念。但念言。我何時當得良師。拔我毒箭。令其處愈。薩陁波倫。無復餘念。但欲得見法師。從聞般若波羅蜜。聞般若波羅蜜。已滅諸倚著。本時薩陁波倫菩薩。即見諸法。無望礙慧。得無量三昧。門其三昧。名曰見諸法。所有三昧。於諸法。無所得。三昧降伏。諸無智三昧。得諸法。無差別。三昧得於諸法。無變異。三昧諸法。無所有。無所聚。三昧滅諸冥三昧。於諸法。次第

無異三昧於諸法無所見三昧散花三昧得
如是以無量種種三昧門住是三昧已見諸十
方無鞅數佛以般若波羅蜜爲諸菩薩說法
尔時十方諸佛皆讚歎言善哉善哉善男子
我等本爲菩薩時索般若波羅蜜亦復住是
三昧所得如是得是三昧已入於般若波羅
蜜亦復如是便成就遍想拘舍羅立於阿惟
越致法我等得是三昧時亦不見有法行三
昧者離三昧者亦不見行道者亦不見逮阿
惟三佛者般若波羅蜜者無有貢高善男子
吾等住於不貢高故得金色身三十二相無
限之光得不思議慧最無上覺三昧佛智具

足逮諸功德諸佛所不能平量不能盡說何
況聲聞辟支佛是故善男子於是法中當倍
加敬善男子有志有進得阿耨多羅三耶三
菩亦無有難善男子於真知識當起恭敬愛
樂之意如視世尊菩薩得真知識者疾得阿
耨多羅三耶三菩今時薩陀波倫菩薩白諸
佛言我常所敬真知識者爲是阿誰諸佛報
言法上菩薩世世常以阿耨多羅三耶三菩
用教授汝法上菩薩常以般若波羅蜜具足
漚耜拘舍羅是者則是汝之尊師是真知識
卿善男子取法上菩薩以頂戴之從至一劫
若至百劫以三千大千刹土所有以用供養

尚未能報須臾之恩聞是尊法其福難報使
汝得般若波羅蜜溫惔拘舍羅之利故是諸
如來無所著等正覺說是已忽然不現尔時
薩陁波倫於三昧起四向願望意自念言是
諸如來從何所來去至何所作是念已惆悵
不樂復更念言法上菩薩常作般若波羅蜜
溫惔拘舍羅摠持諸陁隣尼門於諸法得自
在已從過去佛而作功德是我真師我當以
問法上菩薩是諸如來從何所來去至何所
於是薩陁波倫菩薩念法上菩薩恭敬愛樂
豫加謙恪今我又貧無有珍寶香華竒異貢
尊之具以般若波羅蜜故供養法上菩薩者

不可空往至法上所我有恭敬而無所有不
如賣身供養般若波羅蜜及師前後以來壞
身不少今故不滅前後壞身坐姪怒癡更諸
苦痛亦不爲法亦不爲師但爲貪欲五陰
六衰今時菩薩道經一城大喚呼言我欲自
賣誰欲買我者時魔波旬意自念言今是菩
薩用般若波羅蜜故自賣其身欲以供養法
上菩薩欲得聞般若波羅蜜遍想拘舍羅菩
薩云何行般若波羅蜜疾得阿耨多羅三耶
三菩聞已必當恭敬稽受我不敗壞者當教
無數百千菩薩及諸衆生過我境界今我當
往壞之波旬即使舉國男女不見其形不聞

其聲尔時薩陀波倫賣身不集愁憂啼哭言
我甚為劇欲自賣身供養於師而不能集時
釋提桓因意念言今是菩薩以般若波羅蜜
故欲供養法上菩薩我今試往看視其人為
用法故頗有諭諂時釋提桓因化作年少梵
志至菩薩所問薩陀波倫言善男子何以不
樂愁憂啼哭報言年少我用法故欲自賣身
供養尊師而未不集無問我者是以哭背自
念薄德無財寶物可供養師者尔時年少謂
菩薩言我不用人我今祠祀欲得人血欲得
人髓欲得人心能與我者益與卿寶是時菩
薩歡喜報言我得善利年少買我心髓及血

與我財寶得供養師使我得聞般若波羅蜜
及漚起拘舍羅真得我願年少重問言卿賣
髓血及心爲索幾許菩薩報言隨年少意與
我多少薩陀波倫便以右手自刺左臂出血
與之復欲破骨出髓時城中有一長者女過
於魔行魔不能屈時長者女於樓觀上遙見
菩薩乃尔自刑我今當下問其意故時長者
女即下來到菩薩所問言男子何爲乃尔酷
毒自割用是血爲復欲破骨薩陀波倫報長
者女言欲與少年賣得財寶供養於師欲聞
尊經般若波羅蜜時長者女語菩薩言供養
於師當得何等奇特功德菩薩報言師當教

我般若波羅蜜遍愍拘舍羅語我菩薩所行
法則我當得學為諸衆生廣作橋梁成阿耨
多羅三耶三菩阿惟三佛我身當得三十二
相八十種好無上之光得四等意四無所畏
佛十種力及十八法逮六神通不思議淨誠
成作佛已得無礙之慧當得無上之寶除一
切貧我當得是如此之法時長者女聞是語
已踊躍歡喜語菩薩言善哉善哉賢者甚竒
甚特乃說如是微妙之法重言賢者以是一
法當索無數恒邊沙法所以者何是法甚深
用微妙故卿善男子所欲得者莫自疑難欲
得琉璃摩尼雜寶真珠金銀虎魄栴檀名香

繒幡花蓋恣意所得今當與仁可持供養法
之尊師莫尔自割毀壞其身今我亦欲往至
彼所與卿相隨共植善本如卿屬所可說者
我悉欲得時釋提桓因即滅季少梵志形還
復釋身任薩陁波倫菩薩前讚歎言善哉善
哉善男子如卿建志過去諸如來無所著等
正覺行菩薩道求般若波羅蜜漚耜拘舍羅
成阿惟三佛亦如賢者今日我亦不用人心
髓及血我欲相試故來到是欲得何願薩陁
波倫報言我不用餘與我阿耨多羅三耶三
菩願釋提桓因報言善男子是佛之境界非
我所辦更索餘願多少福我菩薩報言假令

大願非卿境界者復我身體使無瘡癩以是
相福適作是語薩陁波倫身復如故於是帝
釋忽然不現時長者女語菩薩言隨我共歸
見我父母并報父母隨卿所欲供養之具當
相給與我亦當去侍從左右至法上所尔時
薩陁波倫隨長者女往到其家在門外住長
者女入白父母言今當與我金銀珠寶琉璃
摩尼名香栴檀花蓋幢幡雜色異衣供養之
具及諸竒異及五百侍女欲以法故隨薩陁
波倫菩薩行至香氏國法上菩薩所欲聞尊
經佛所有諸法我當得之度脫衆生父母問
女言薩陁波倫今爲是誰女重白言是

在門外住發堅誓之願欲求阿耨多羅三耶
三菩欲為衆生故救無極之苦有大妙法名
般若波羅蜜是諸菩薩所應學者是善男子
但為是法故自賣其身不惜軀命而自割截
欲以供養大法法上是人至誠感致帝釋我
見是變就徃問之有何竒特怨自割刺便報
我言賣與年少欲得財物供養我師我當得
佛三十二相八十種好當轉法輪度脫衆生
我聞是已甚大歡喜誰聞是法而不樂者我
便許之當與珍寶供養之具隨侍左右是故
父母當給與我珍寶所有及諸侍女父母謂
女如汝所言是人甚竒精進乃尔不惜身命

欲求不思議之法如汝所言是善男子必能
辦無上之法安隱衆生建立大誓僧那僧涅
我當去何違汝是願欲得往見供養法上菩
薩者隨汝意願我代汝喜自否季老不能得
行恣汝所欲珍琦寶物我終不斷一切之願
尔時女取五百乘車以七寶校飾及五百侍
女莊嚴白副種種諸花雜色寶衣如上所有
載以自重薩陀波倫別載一車與五百女人
圍遶相隨於是東行稍稍引道遙見香氏城
墉七寶玄黃玲瓏衆妙未曾所有如上所說
復遙見其城中央法上菩薩與諸大衆數百
千万圍遶說法遙見是已甚大歡喜其身安

隱辟如比丘得第四禪又自念言我今不可
於車上載當下步耳即與長者女及五百女
人圍遶而前入城門裏見七寶臺以赤梅檀
而校飾之真珠交露其臺四角有四寶鬘盛
摩尼珠晝夜常明有寶香鑪常燒名香晝夜
常香當臺中央有七寶塔又以四色之寶作
函以紫磨金薄爲素書般若波羅蜜作經在
其函中又以七寶爲織成幡互相參絞其色
上妙隨風繽紛薩陀波倫及五百女人見是
七寶交露之臺見釋提桓因與諸天子持天
曼陀羅花及天雜色栴檀名香擣以爲末其
細如塵於虛空中供養散其臺上又鼓天樂

而供養之。尔時薩陁波倫遙問釋提桓因。汝何爲供養以花散。是臺爲於。是釋提桓因報。薩陁波倫言。卿善男子。爲不知耶。是般若波羅蜜者。生諸菩薩。一切菩薩。當於是學。當成諸波羅蜜。功德具足。諸佛法逮。薩云。若以是故。我等而供養之。薩陁波倫聞。是倍喜。復問。釋提桓因。言般若波羅蜜。爲在何所。釋提桓因報言。在臺中央。七寶函中。法上菩薩。以七寶印。印之。汝等及我。不得妄見。尔時薩陁波倫長者女。及五百女人。各各取諸名花。名香。梅檀雜寶。琉璃摩尼。供養般若波羅蜜。已別留一分。持至法上菩薩高座所。復以法故。供

養法上大師所散諸花當法上菩薩上化作
七寶臺止於虛空所散名花皆雨於法上菩
薩所散雜色寶衣在其臺上有化天人以手
把持天幡而垂之薩陁波倫及五百女人見
是變化各念言是法上菩薩摩訶薩所化乃
尔是未曾有何況當成阿耨多羅三耶三菩
阿惟三佛時長者女及五百女人見法上菩
薩歡喜踊躍皆發阿耨多羅三耶三菩意同
時嘆言持是功德得於法利亦當如是令我
曹得供養般若波羅蜜如法上菩薩我等亦
當廣宣般若波羅蜜以度衆生亦如法上菩
薩願我等得般若波羅蜜成就漚沍舍羅

所作變化逮阿耨多羅三耶三菩於諸法得
自在當如法上大師介時薩陁波倫及長者
女五百女人供養已訖前以頭面著地爲法
上作禮却住一面以恭敬意手白法上菩
薩言我皆於寂靜之處聞空中聲言善男子
從是東行可得聞般若波羅蜜我即東去中
道念我當從誰得聞般若波羅蜜愁憂啼哭
默住一處七日不念飲食但念何時當得般
若波羅蜜介時便有化佛在我前任即告我
言善男子持是精進勇意從是東行二万里
有國名香氏有菩薩名法上常說般若波羅
蜜汝可從聞是汝真師我從化佛聞是教已

即便東行遙見大師意中歡喜踊躍安隱辭
如比丘得第四禪以念般若波羅蜜故便得
無量三昧即見十方諸佛讚歎我言善哉善
哉汝所得三昧者皆從般若波羅蜜生我本
行菩薩時索般若波羅蜜時亦復如是讚嘆
我已便不復現我三昧覺已自念諸佛從何
所來去至何所復大愁憂我復念言法上大
師以般若波羅蜜漚起拘舍羅於諸法得自
在我當往問師十方諸佛何所從來去至何
所今日大師爲我解說是諸如來所從來往
願欲知之我等聞已常見諸佛不離世尊
放光般若波羅蜜經法上品第八十九

於是法上菩薩摩訶薩報薩陀波倫菩薩言
善男子諸如來常不動搖亦不去亦不來如
來者如如無所起滅不起者亦不來亦不去
不生者是如來善男子實際者亦不知來時
亦不知去時實際者則如來虛空者亦無來
亦無去空者則如來真諦者亦不知來時亦
不知去時真諦者則如來無爲者亦不來亦
不去無爲者則如來滅盡者亦無來亦無去
滅盡者則如來善男子如來者不離是法此
諸法者則是如來之如善男子如者一無有
二亦不三亦無若干之數以法空故善男子
譬如春節已過夏盛熱時熱有猛焰愚夫逐

之謂爲是水追之不息呼當得水於賢者意
去何是人所逐水者爲從何所來從東海西
海南海北海從何海來薩陁波倫菩薩對曰
熱時焰者尚非是水何況從海而有來往法
上復言善男子彼凡夫爲熱渴所迫而起水
想追逐疲勞竟不得水諸有起想謂諸如來
有往來者亦是凡夫與彼無異所以者何莫
以色身而觀如來如來者法性法性者亦不
來亦不去諸如來亦如是無來無去善男子
譬如幻師化作象馬車乘謂呼是幻有來往
者皆是愚夫謂諸如來有來往者亦是凡夫
所以者何法性者亦無來亦無去薩陁波倫

白法上言夢幻所見悉空無實皆無所有。法
上報言善男子如來無所著等正覺說言諸
法皆亦如夢有於夢幻法有實相者不知如
來但入如來名色身耳便作如來來往之相
是輩皆是無智凡夫是輩凡夫於生死道當
有反數離般若波羅蜜大遠於諸佛法亦遠
於諸夢幻法知諸法如夢幻者為識如來於
諸法不求有來往之相亦不求諸如來有生
有滅諸有知如來無來無往不生不滅者為
近阿耨多羅三耶三菩不久是為行般若波
羅蜜是則為佛之弟子是輩人應食國中施
為世間之福田善男子譬如大海所有名寶

不從十方國土而來以人福故海生此寶
爲無緣因緣故生是寶滅時亦復不至十方
從因緣起從因緣滅亦不從十方有來有往
者善男子諸佛身者有行因緣便得合成本
行所致亦不用行往至十方若使無行無因
緣合者若無因緣亦無有身也善男子譬如
篳篥以因緣故有絃有柱有人鼓之音聲來
往聲音斷時亦無來往是聲出時亦無從來
滅亦無所至欲知佛身亦復如是有無量之
德不以一事成皆有因緣而共合成不離因
緣而有去來善男子當知諸佛亦無來往一
切諸法皆復如是亦不生滅汝知是已必上

阿耨多羅三耶三菩必究竟般若波羅蜜漚
惹拘舍羅介時釋提桓因以天曼陀羅花與
薩陁波倫持是供養法上菩薩當福於我所
以者何一切衆生當蒙仁者之恩當得阿耨
多羅三耶三菩仁者上士世間少有甚難得
值乃爲衆生執勞無鞅數劫都不以爲勞時
薩陁波倫受釋提桓因曼陀羅花用散法上
菩薩散已白言從今以去持身奉上於師供
給所當叉手却住一面介時長者女及五百
侍女白薩陁波倫菩薩言願得以身奉上大
師給所當得持是功德令得法利如今大師
當與大師常共供養諸佛世尊介時薩陁波

倫告長者女及五百侍女汝等隨我教者我
當受汝諸女報言身命自師不敢違教薩施
波倫菩薩白法上菩薩言願持身自上及五
百女人及五百乘車一切所有以上大師哀
我曹等願當受之尔時釋提桓因嘆言善哉
善哉發菩薩意者當持所有如賢者所為善

薩如是施者疾得阿耨多羅三耶三菩作是
恭敬承事師者疾可得聞般若波羅蜜漚瑟
拘舍羅過去諸如來無所著等正覺皆悉如
是捨意布施得般若波羅蜜漚瑟拘舍羅成
阿惟三佛尔時法上菩薩即受薩施波倫及
長者女五百侍女及五百乘車所有珍寶盡

爲受之欲使薩陁波倫成其功德雖受之還
持與薩陁波倫菩薩時日已具法上菩薩從
高座起還入宮中尔時薩陁波倫意念言我
爲法來不宜坐卧當以二事須師來出一者
經行二者住立時法上菩薩入宮中正坐以
般若波羅蜜漚想拘舍羅行無鞅數諸三昧
至于七歲薩陁波倫亦七歲不坐不卧常經
行住立不起三垢無諸欲味但念法上菩薩
何時當出爲我說般若波羅蜜七歲已後薩
陁波倫意中念言我當爲師莊嚴高座種種
名華燒諸名香以待法師當爲大衆說般若
波羅蜜薩陁波倫及五百女人各各布座身

上好衣諸名統縵柔軟細疊以布座上。薩陀
波倫即行索水欲以灑地了不能得。是魔波
旬之所蔽隱。令水不現。欲壞菩薩。令起亂意。
不欲使成阿耨多羅三耶三菩薩。薩陀波倫意
復念言。我當自刺其身出血。以用灑地。所以
者何。恐地有塵來。空師故。我不當惜。是已。脆
之身。所以者何。前後以來。無鞅數劫。棄是身
體。不可復計。初未值。是無上之法。於是薩陀
波倫。菩薩即取利刀。刺身血出。持用灑地。五
百女人。各各亦尔。尔時波旬。不能得其便。尔
時釋提桓因。念言。是薩陀波倫菩薩。及五百
女人。甚可竒特。貪德乃尔。不惜身命。棄去。

師是魔波旬雖欲壞之不能得便乃尔堅固
誓於僧那不惜身命於阿耨多羅三耶三喜
欲度衆生無限之苦是時帝釋讚言善哉善
哉賢者精進不可思議爲無上之願過去諸
佛本所行時精進如是薩陀波倫意中念言
我今爲師布座已訖當於何所得好名華法
師出時當散其上尔時帝釋知其所念便以
天上曼陀羅華千石與菩薩言持是供養師
并可散地即取其華分布散地分留一分七
歲已後法上菩薩從宮中出徑詣高座薩陀
波倫及五百女人即持天華逆散法上頭面
作禮却坐一面法上菩薩告薩陀波倫菩薩

卿善男子諦聽諦受善思念之於是薩陀波
倫菩薩受教而聽諸法等如金剛等諸法寂
諸法等寂不動故般若波羅蜜等寂不動亦
如金剛諸法無倚諸法不恐諸法一味故般
若波羅蜜亦無所倚諸法一味不恐諸法不
生諸法不滅諸法如空故般若波羅蜜不生
不滅亦如虛空五陰無底無邊際諸法無底
四大無底故般若波羅蜜亦無有底空無有
邊際大海無有邊諸法無邊際故般若波羅
蜜亦無邊際譬如須彌山種種巖好般若波
羅蜜亦復如是諸法無所破壞諸法不可得
見諸法無所受諸法無所有諸法不可思議

故般若波羅蜜無所破壞亦不可得亦無所
受亦無所有不可思議亦復如是。爾時薩陁
波倫菩薩便於座上得諸法等三昧諸法寂
三昧不動三昧無倚三昧無畏三昧一味三
昧無生三昧無滅三昧虛空三昧五陰無底
三昧諸法無底三昧四大無邊三昧虛空性
三昧如海三昧如須彌山三昧金剛三昧無
所破壞三昧無所得三昧無所受三昧無所
有三昧不可思議三昧如是等三昧得六万
三昧門

放光般若波羅蜜經囑累品第九十
佛告須菩提。爾時薩陁波倫菩薩得六萬三

昧已便見十方如恒邊沙三千大千國土
見諸如來無所著等正覺及比丘僧大衆
圍遶說般若波羅蜜如我今日爲汝等說
般若波羅蜜十方諸佛亦復如我字釋迦文
薩陁波倫菩薩多聞具足其智如海不離諸
佛所生之處在諸佛前若於夢中未曾離佛
諸難已斷已得自在是故須菩提當知般若
波羅蜜爲諸菩薩摩訶薩致薩云若菩薩欲
學六波羅蜜者欲得諸佛境界一切智者當
學行般若波羅蜜當受當持當諷誦讀廣爲
人說解其中事亦當供養所有名華名香繒
綵華蓋若干方便當供養之所以者何般

波羅密者是諸佛所尊是尊道之御佛告阿
難於汝意云何汝爲尊重愛敬如來不阿難
對曰唯然世尊愛敬如來如來自知佛語阿
難汝實愛敬於如來阿難汝前後侍我以來
汝身口意常有善慈今吾年以老矣弟子所
應供養者汝以爲畢不爲不畢從今以往當
恭敬承事般若波羅密世尊於是從一至三
如是囑累於般若波羅密所以慇懃鄭重者
何欲令不斷故若般若波羅密斷者一切衆
生永爲盲冥若般若波羅密在出不斷絕者
諸佛如來亦不斷絕若般若波羅密有斷絕
者諸佛如來亦當斷絕阿難般若波羅密

於世者當知如來常在說法一切衆生不離
佛會不離說法阿難是般若波羅蜜若有書
持諷誦念守習行解說其義供養經卷復教
他人書持諷誦廣為說者當知是人常與佛
俱不離諸佛佛說是時弥勒菩薩者季須喜
提尊者舍利弗大目犍連分釋文陀尼子摩

訶拘絺羅摩訶迦旃延賢者阿難一切會者
諸天阿須倫聞佛說已皆大歡喜立削為佛作
禮

放光般若波羅蜜經卷第三十
芥

豫音預擣音禱統音統延音延軼音軼謙音謙恪音恪

恪恭也 集音去劇音苦諭音諭
謙敬也 集音去劇音苦諭音諭
恪恭也 集音去劇音苦諭音諭
謙敬也 集音去劇音苦諭音諭

祠祀上音詞似祭也下音酷毒上音苦篤反瘡癩下音僧

涅下音鎧也僧涅著也僧那自禿下音禿下音塞也反玕琦下音

校飾上音教裝寶寶覺下音於耕反叅絞上音七舍反

巧反續紛上音疋寶反下芳文反印印嘿同嘿同字

疲勞上音皮上音筮工二字音絃音賢樂灑地上

買所馬二反蔽隱上音掩上音祭全蒲同危脆下音取歲反

徑詁上音直也定耆年上音渠夷反拘締下音知反

此而名即舍利男也大膝骨大膝蓋大因稱也

